

舊雨詩鈔

森春濤編錄

初集

下

柳田文庫  
文庫11  
A1171  
2





文庫 11  
A 1171  
2





舊雨詩鈔初集卷之下

春濤森魯直 編錄



春嶽松平慶永字公寧故越前侯

謾吟十首次中金某韻錄四

老松覆茅宇。添我歲寒心。端座煮新茗。清風真味深。  
黃昏人不到。惟有月華侵。

水竹稱懶性。杜句。懶性。後居。分攸宜。小窓容寄傲。  
樂矣。復奚疑。千古紫桑老。事事是吾師。

閉戶非左計。求閑是素心。飽知人世態。一浮又一沈。





不知老將至。把書坐更深。  
杜門防俗駕。高卧一枕安。  
十里江山景。數尺窓中看。  
莫言無一事。時復把釣竿。

初夏閒居

飄紅碎紫送春華。新綠如烟罩碧紗。  
日永身閒無個事。睡餘聊試午甌茶。

感懷

眼看年年開化新。研才磨智覓謀身。  
翻憂習俗流浮薄。能守忠誠有幾人。

湖山曰。真是可憂。然能知其憂者。亦有幾人。

古香秋月種樹字

東京人

箱根浴溫泉雜詩十首 節六

嵐氣襲衣消暑蒸。水音如雨夜喧騰。  
養病非必溫泉効。家對名山欄可凭。

閑居地僻意安哉。供養雲煙道味催。  
好以溪声代絲竹。青山為友漫呼盃。

危路寥寥日欲斜。攀蘿捫葛到山家。  
山家氣冷自無夏。六月鳴蟲蘆荻花。

奇松伸臂障青天。怪石攔人威猛然。  
訝看岬中白蛇走。一條飛瀑向軒懸。



浴後輕衫涼氣流。欄干倚盡望悠悠。分明山際飛虹影。一髮如雲是總州。

湖山曰古香君緒餘作詩詆非其  
所長然社中名家不得錄也

甕江川田田 字毅卿備中人

欠類

救焚情緒亂如麻。屢踏危樑未暇嗟。吏守關雞報曉。恐妻識面漆生痂。一身跼踏乾坤狹。萬里崎嶇道路賒。猶喜天公不吾棄。人間到處有朱家。

湖山曰人多知甕江今日之遇而不知其  
前日艱苦如此天之玉成人豈徒哉

眾中

眾中怒罵撻郎君。跡似當年北走人。過了關門先一  
笑。武藏坊是我前身。

塵居雜詠



尚餘三寸舌堪畊。肉骨天恩賜再生。八口徒糜太倉粟。一廬且作聖人氓。

誰云寸地寸金尊。也有書樓也有園。勺水拳山工位置。大都中闢小乾坤。

隔庭絃索弄嬌喉。我好填詞他好謳。看來家媪聽曲處。香山居士未風流。對門即三弦女教師宅故云

門扉未敢題名字。早有同人追臭至。不足先生聲價高。先生家近飽魚肆。新塲魚肆在隣坊故云

擁書尊擬百城多。大厦高堂奈彼何。一箇衡門低數尺。曾無人不鞠躬過。

小舟小永井岳 字君山東京人

送清客金邵歸蘇州

繼夜絃誦罷。浙瀝風雨鳴。驚起誰堪聽。已為別離聲。一去乾坤豁。帆外大水橫。

歲暮

世味甘如醇。嘗之幾人醉。勞勞動不休。頽景在大地。驪珠難久握。悲歡神先悴。奚知靜卧士。讀易極微意。咀嚼有真道。至味一心記。沈沈風雪夕。燈火與人媚。

榻谷鳳卿曰有道之言使讀者低回不盡

哭女



女字菊兒。生七年。明治癸酉九月病亡。以其  
字取菊花。故詩以興于此。  
弱枝吹。忽折。風雨何無情。空具傲霜性。不保一朝榮。  
佳花真難養。好夢果易醒。幽波逝不返。雲影茫難明。  
強懷持不得。一哭輒失聲。

中秋無月。既望得月。丹羽花南招飲。与瓮江松  
塘等分韻。

長江霞斂碧雲澄。喜見潮頭大月升。仙掌露寒河漢  
近。秋簾影冷水紋凝。千鍾酒滿美人勸。百尺樓高豪  
客登。昨日歡纒今夕償。明輝萬里白於冰。

中洲三島教 字遠叔 備中人

貞婦行

國有忠臣國不滅。家有貞婦家不亡。亡滅寧容付時  
運。國家命脈在綱常。我藩貞婦大石氏。幼少秀慧好  
書史。笄年初嫁貴戚家。燕婉無何國難起。良人為質  
卦隣藩。幽囚屈辱碎肺肝。一病遂為九泉別。破境斷  
絃空房寒。此時婦也纒十七。親戚慙懃勸他匹。冰霜  
凜然矢無二。手剪綠雲三尺髮。誰料紅顏艷麗姿。化  
為素衣一寒尼。雨灑春花消粉態。雲掠新月掩蛾眉。  
紅閨繼寂似禪寺。觀來誰人不洒淚。母以戒女姑戒



婦。闔藩閨門存餘治。君不聞當時藩兵從外歸。歸入  
國境王師圍。誰為隊長熊田子。相戒莫犯然怒威。代  
君謝罪乞眾命。一死從容曠世稀。嗚呼忠有熊子貞  
石女。細常維持不消阻。安知今日國運雖微。不為他  
年中興之基礎。

湖山曰其更其註皆大有關係乎朝  
弄風月者不同固不可以工拙論也

### 磯濱登望洋樓

夜登百尺海灣樓。極目何邊是米洲。慨然忽發遠征  
志。月白東洋萬里秋。

敬宇中村正直字敬甫東京人

### 打鐵匠歌譯西國名家詩

蔽芾栗封如張翼。下有打鐵匠之宅。其人壯則手腕  
大。鐵條隆起筋絡黑。正經之汗賴常濕。正經之利食  
其力。平生不借一文錢。對天下人無愧色。朝有打鐵  
聲。釘鐺天未白。夕有打鐵聲。遲速應節拍。日回月月  
年又季。揮鎚而擊。揮鎚擊。村童群自鄉塾還。店前立  
看冶鐵赤。韃韜咆哮火星飛。逐而捕之寧呵責。安息  
之日鎖店鋪。注寺院而聽講釋。其女偕眾唱神詩。聞  
之中心獨悅懌。其聲彷彿亡妻聲。追憶不覺涕淚滴。



善哉鐵匠之生涯。勞苦之中樂自得。朝朝夕夕勉不  
已。贏得一夜酣寢息。鐵匠鐵匠。我謝汝。汝於我有師  
友。益嗚乎。人生之打鏡場。福運只須以力獲。心思言  
行。火焰裏。砧上鍛鍊成模式。

湖山曰。唐僧譯梵語。至偈贊注。往覺不得。其真先生譯洋人詩。其妙如此。實可驚也。

拙軒村山淳字大樸東京人

雜詩六首

俗吏談開化。女兒說文明。斷髮披毳服。自以軒冕榮。  
唯取外顏似。曾不問心情。  
僅知解行字。開口論地球。窮理析毫末。棘刺刻獼猴。  
北方有勍敵。豈是優遊秋。  
未見寧海濶。何知喜望峰。只就故脚藉。區區度三冬。  
書生眼孔小。誰為豁心胸。  
稱那波烈翁。不稱豐臣公。拋却我所長。喜他罽絨工。  
勿咲滿清客。辛苦持國風。



取長而捨短。議論太精神。一入迷海裡。誰復去問津。  
不見英吉利。五經教國人。

湖山曰。拙軒早諳洋外事情。而其言如此。讀者宜熟玩。

三教無二致。忠君孝親萬古不易道。只在人心真。  
真者終不朽。糟粕日日新。

雨中偶讀明人詩。歐大任有詩云。淚每思親墮。

書頻寄第看甚切。余近沉日用其句。足成一律。  
春去蕭蕭雨。綠陰晷畫欄。林深禽語靜。簾暗篆香殘。  
淚每思親墮。書頻寄第看。對林時入夢。偏喜睡鄉寬。

穗峰四屋恒之字子固日向人

去川途工口占。戊辰伏水之變。我藩兵在浪華。為德川氏守城北野田口。既而

東兵之敗。報至于藩地。或傳我藩兵在禁入。京之部分。而薩兵隱然。既迫藩境。矣於是使。恒使薩為乞救解。實正月二十日也。

一身負擔重於山。家國存亡指顧間。寒雨淒風去川。  
路此行何敢計。生還。

東山書懷。無幾有命使。我公東觀於是有欣躍。上舟至京館于東山。雙林寺更有命使。

屏居本寓至五月始得解釋。

梅天節近雨霏微。乍見園林新綠圍。愁似佳人夜掩。  
淚。韻如高士午。閑扉百年名義思。宗社一片葵心向。



禁闈杜宇不知行住苦。慙慙啼血勸吾歸。

海山曰二首忠厚有老杜遺意

小蓮薄井龍之字飛虹信濃人

辛未抄冬以病辭職賦似杉浦判官

餘生祗合卧林丘。叨督北門十一州。歸鄉不愧舊猿  
籬解印今朝尚黑頭。

壬申秋在山形縣檢西成到柳渡鶴子諸村其  
間山奇水幽景致如畫

山環村落水環門。紫翠侵衣晝尚昏。誰道地方官太  
俗。檢田到處是仙源。

甲戌孟冬山形寶幢精舍集分均得寒

秋獲已終皆未及。此間須盡少時歡。一張一弛本經



訓莫作尋常燕集看。

湖山曰二首風格似杏坪翁  
黑頭公亦將近白頭子呵呵

鹿門出千仞字曰口仙臺人

戊辰正月。聞伏見搜報。有作。

錦旆央央。麗日明。幾多壯士護皇京。千營連野風雲  
慘。萬炮震天雷。電轟。勝敗須知由順逆。英雄誰不重  
功名。却思洛攝曾遊地。早已親用半死生。  
賊軍據守海城堅。其奈網常繫在天。常恐千秋失機  
會。宸欣興復在生前。縱橫誰測英雄略。果斷能收將  
帥權。夜半荒雞鳴不止。誰人起舞著先鞭。

九月六日就逮。寄弟德輔。

捕吏相駢擁馬前。此間不得少遷延。欲將葵藿酬明



主何料狂愚誤百年。蘇轍救兄猶有望。范滂別母亦誰憐。驚心總定困眠熟。魂夢恍迷湯鑊邊。

湖山曰驚定眠熟其人必似坡公不啻其証相似

九月十三日作

短窓三尺畫冥冥。兀坐朝昏憐此生。忽有旁人傳好語。屋烏檐雀亦歡聲。

十月赴東京途中作

白骨掩沙荒海濱。風烟無處不傷神。路傍累索陣亡塚。笕是平生相識人。

學海依田百川字朝宗下總人

書懷二首

榮辱昇沈閱幾年。迂頑自恥受人憐。文章罵世徒為耳。論議銜名豈敢然。梅蕾洩紅明野渡。春波搖綠映湖天。從今遊跡應無定。一領輕蓑一隻船。

豪遊湖海氣全除。淨几明窓愛靜居。屋角寒梅將放處。牆陰殘雪漸消初。且因錢乏暫禁酒。祗為身閑多讀書。久矣人間足憂患。此生終欲老樵漁。

書事

開化治功果不虛。駕英軼佛既優如。雷同唯病新聞



紙電走偏誇蒸氣車。驚俗無如談海外。求官只在讀洋書。傲頗莫道非良法。請看魯皇臨國初。

戲示友人

罷官始覺養閒高。不佩腰間双宝刀。偶与故人呼酒話。舌鋒猶剩舊苔豪。

墨水看花逢雨小酌

賞花妙在半開中。密瓣繁枝未怕風。一陣晚來隄上雨。櫻雲添得幾分紅。  
片雨晴時暖驟催。千枝萬朵望中開。梅兒豕是在何處。都被紅雲遮斷來。

靜里天岸寧 字士寧 伊豫松山人

讀白氏折臂翁詩

折臂翁。折臂翁。吾曾識翁白詩中。其遭募時猶壯齒。如何折臂傷厥躬。聞說雲南路萬里。椒花落時沙瀟水。瘴烟毒人甚於箭。兵士往往不戰死。行乎無奈瘴烟迫。止乎難塞兵部責。此時來之方坎坎。姑為廢人免其役。男兒報國死是期。不用徒傲婦兒悲。翁乎翁乎。膽何怯。傷躬保命何所為。嗚乎我善察翁意。致身報國固易易。但是瘴烟已其身。雲南為鬼所深愧。寄語邊將善點兵。邊功難立怨易生。折臂之翁好龜鑑。



白氏眼光千古明

次均近藤伯恭近作

白首難期班仲升。家居碌碌百無能。自憐傲骨堅如石。且笑貧厨冷似冰。營室宜風宜月地。修交嗜酒嗜詩。勿鷓鷯只守一枝分。不說南冥有大鵬。名利之心薄似烟。老來高蹈志逾堅。樽中無酒慚文舉。馬上敲訛學浪仙。身已拋官猶受祿。性雖多癖不貪錢。休言家尚隣城市。竹隔香遞自別天。

精菴蒲生重章字子黯越後人

戊辰九月送大父保參與之西京

誰把乾坤自斡旋。英雄我識有其人。西奔東走勤王事。航海先迎鳳輦巡。

己巳春奉送三條相公歸西京

孤臣尤惜別明公。諫疏已成空火中。鯁議讜言誰復納。自今只合學瘖翁。

春夕酒醒

滿腔幽憤無由遣。醉聽春蛙卧月明。殘夜酒醒花影冷。向誰說與此昔情。



題松浦多氣四郎蝦夷日記

回首洪荒路欲無。水源山脈太縈紆。張騫辛苦繼幽探。如此窮陬入版圖。

安部仲麻呂望月圖

豈啻東西風馬牛。水天萬里恨悠悠。想君夜夜歸心切。山月依稀三笠秋。

湖山白精菴詩真朴勁健。毫不加彫琢。如其為人。

雲外高銳一字銳一阿波人

文久三年三月十有一日。

車駕親詣。賀茂神宮。潔神齋戒。大禱齋懲之事。

是日供奉者上而關白大將軍。下而文武百官。

品級成隊。羽儀駘從。壯麗古奧。朝野縱觀者莫

不感戴泣下。實天文後陽成天皇幸聚樂第當

其戊子十六年。其丙

後水尾天皇幸二條城當其丙

寅三年。距今二百三十八年。之後

之盛典也。我公亦當扈蹕之任。恭賦一律。聊

表拜賀之意云。

聖衷直要掃胡塵。朝整千官出紫宸。憂世本知深愛



國感人如此。況於神。搖搖金鳳翔。鑿輅肅肅華駟簇。  
珮紳清道蒙恩有。今日我公夙夜奉。然綸。

梅花二首

處士何年隔夜臺。風流想見舊栽培。人間恐為塵埃  
凝。竹外先他桃李來。玉骨全癯臥滄雪。幽香太冷濕  
寒苔。孤山句裡君真在。莫恨東風落又開。  
不信瑤臺別有仙。於花知我結良緣。影迷唐殿淒涼  
月。魂返漢宮黯澹烟。聽笛方愁人定後。和衣欲把酒  
消前。緬山未必誇奇景。占盡江南十里天。

虛舟平田宗敬

字簡夫東京人

花影

晴窓幻出幾枝枝。疏密天然尤覺奇。一桁簾垂春晝  
永。小爐香燼月光移。誰言黯淡無嬌色。猶是依稀現  
妙姿。雖有良工難寫得。婆娑微動受風時。

燕

梁間雙影忽差池。郭社年年期不違。垂柳隄邊衝雨  
過。落花園裏掠泥飛。留名漢殿人空逝。掃迹王家巢  
已非。彩羽嬌聲易招惠。呢喃憐汝保烏衣。

山中雪夜



月昏人迹斷。積雪與階平。孤鶴歸栖去。松梢剝有聲。

墨水舟中

微醺吹醒晚潮風。身在搖搖一葦中。遮岸綠楊看不見。半江烟水月朦朧。

德溪橫山邵字叔遠肥前島原人

送村工督御使石州

滿天陰雨暗江湄。北望濱城淚作絲。小白寧無救衛舉。文公竟有報戎時。風窸夢斷領原路。霜夜魂消棣萼枝。相送樽前愁不語。為君斃誦載馳詩。

關下即事

城上樓臺臺上松。衣冠向此盡朝宗。才略誰能援天下。車如流水馬如龍。

義狗葬頭圖

雨灑地雷震雲。忍看主君身首分。連聲統屍吠不已。



遂啣其頭埋古墳。彷徨躑躅不食死。豕狗之義千載  
芬君不見末世人情太澆薄。國人寇讐視其君。鳥獸  
成羣人自恥。使狗有知。尔恥羣。

大石良雄遊青樓圖分韻

枉披袂服醉娼門。此際苦辛誰与論。恨殺仇家慢偷  
罷。忍看先主永吞冤。風霜不變忠貞節。花柳寧迷英  
傑魂。半夜燈前夢醒處。數行傷枕淚成痕。

藤原廣嗣

忍看妖霧鎖清旻。一旦興兵向帝闈。具眼尤推水滸  
史。叛臣傳裏逸斯人。

讀安藤正之傳

十載不論恩典誤。高風千古使人敷。介。椎。泉。下。如。相。  
見。應。愧。當。時。出。怨。言。

湖山曰表出正之其人大有補于世道人心不為徒作

偶作

一旅營治吏已過。彈丸不取渡如何。休兵令出萬邦  
笑。誰道憲宗英斷多。

湖山曰國勢之變皆出天意休兵之令難如可哭亦是天意似不可深咎

訪鱸彥之限均

吾黨鱸子國之傑。一念所注在濟物。慷慨憤世口吐



沫坐上擊賊屢掉舌。天憐其屈賜奇景。奇景絕處為  
君設。就中鏡浦之波富岳雪。并夫鋸山三奇絕。鱸子  
對之詩輒成。不須三盃金谷罰。天機所觸詩亦真。予  
夫斧鑿撰自別。吾來遊房二三月。偶爾訪君解胸鬱。  
一見宛如舊相識。留吾連旬投車轄。明窓試取君詩  
讀。其清者如鏡浦月。其奇者如鋸山石。其瑩者如富  
岳雪。此是滿腔忠憤氣。勃勃觸境所湧出。讀之使人  
膽力壯。坐間欲撫腰間劍。陸劍南元遺山首首較來  
無優劣。鱸子聞之頻掉頭。詩人目吾吾不屑。

迂堂巖谷修字誠卿近江人

題唐解元畫冊十二首。以花落家僮未掃鳥啼

山客猶眠句為韻。

曉閣理妝罷。珠窓揭碧紗。一雙翡翠鳥。來啄白桃花。  
繡倦日將斜。下階調雛鶴。細細風吹松。采花鬢邊落。  
金絡紫駟馬。駕之七寶車。並坐人如玉。訪花城外家。  
銀井汲寒玉。澆花又澆竹。線鍼餘課了。不用役奚童。  
逃酒下珠樓。荷橋趁涼氣。願向侍兒問。臉霞紅退未。  
餅插並頭蘭。盆栽相思草。有約蕭郎來。晚窓眉淡掃。  
雨過纖月涼。挂在翠楊杪。起把輕羅紈。池邊撲丹鳥。



春情無著處。徐起出深閨。上林花似錦。中有画眉啼。  
閒情寄素琴。消此迢迢夕。有道無知音。秋階有泪容。  
久廢管弦事。且遊翰墨間。書臨洛神賦。訖學韓丹山。  
月明携玉笛。來上水心樓。外夾夢方熟。欲弄且夷猶。  
春院孤寒夕。海棠嬌可憐。讀罷西廂記。羅窓掩月眠。

湖山曰製笛樣圖者千古唯一六居士  
士類箇樣詩者今日唯一六居士

熊渠猪野中行字尚甫東京人

庚午暮秋念三日。羅晴村來訪有作。因次其韻。

并送其歸廣東。

東遊愛子著先鞭。正遇菊花霜降天。他席今宵風月  
好。歸舟明日水雲連。高吟豈獨詞章富。清話方知塵  
俗蠲。何歲重陳徐孺榻。酒盃文墨了因緣。

根岸邨寓居

乾坤何地寄生涯。暫寓鶯溪溪上家。身是東西飄泊  
子。三年三處看梅花。

暮春與龜谷省軒同遊東台。



淡雲殘日晚淒淒。碧殿朱樓處處迷。艷雪光消天欲  
雨。滿山新綠杜鵑啼。

宜軒西岡逾明字子學肥前人

漫興十二首以花落家僮未掃鳥啼山客猶眠

為均錄四

功名遠素心。淮海空豪氣。故國有良田。婦畊計猶未。  
壯遊如我少。足跡遍區寰。四渡來回水。二經亞伯山。  
感此聖恩渥。久拋三徑秋。歸來篇已就。欲寫意夷猶。  
秋老雁聲冷。征臺師未旋。遙思沙上月。壯士枕戈眠。

巴黎府竹詞

巴黎府裡小僊鄉。即是人間避暑場。對色苔光淨如  
洗衣香扇影亦生涼。



白紗衣薄肌如雪。斜倚黎窓繡幌中。夜半期郎郎不  
至。幽香吹送薔薇風。

層閣霜飛欲暮。龜田郎一夜語。閑愁。奩資省得有餘  
算。新購千金臘虎裘。

奇香滿帽綵花紅。捲盡車窓倚細風。不奈吾郎歸太  
晚。凱旋門外月如霜。

湖山曰前輩作外國竹枝者多成于  
傳聞此什則皆出于寶曆自不同

巖島舊作

回廊浮動海濤風。縹渺雲間度彩虹。昨夜數人來泣  
雨。遺珠燦在白沙中。

怨軒信夫祭字文郁回幡人

作樂花歌字面出  
萬葉集

東方英華氣。一種生靈卉。命曰作桑花。豐艷真可貴。  
千朵萬朵風芳芬。單瓣重瓣雪氛氳。大堰之水茅渚  
里。無峽無山不白雲。婀娜旣日媚春霽。帶得旭光麗  
更嚴。俗李凡桃雉雁行。牡丹海棠豈伉儷。誰把吟筆  
當甲科。勢人宣長嘗有歌。取喻和魂非虛賞。足向萬  
邦揚國華。君不見大地球中無匹敵。日本人誇日本  
花。

題小芙蓉石



蕞尔一拳石。喚作小芙蓉。命名何所取。神州第一峰。  
磅礴雲根動。氤氳秀氣鍾。洞腹棲仙客。飛瀑曳游龍。  
面与雪光淨。頂同樹色濃。置之筆硯側。酷暑凜如冬。  
朝欽襄陽癖。夕追柳州蹤。世事多憤憤。撫汝豁塵胸。  
酒則對汝酌。茶則向汝供。東海在袖裏。不羨萬戶封。

半雲座光寺糾字口口播磨人

寄懷諸友原十

鷺山之下伊川傍。高尚獨開詞翰場。詩格皆推狂杜。  
牧書名不讓米元章。吟邊風月玉千顆。醉後雲煙紙。  
笺張。宸憶秋涼閑酌夕。香魚發刺酒無量。

右松尾竹取

劍書落魄尚天涯。斯意斯情說向誰。墜露滿壚蟲語。  
濕。暗風打戶雨聲悲。懷人不寐燈如豆。作客多愁鬢。  
欲。然羨子畔村田二頃。稻花香裡下書帷。子裕項買

右村田子裕



不似飄零身似萍。故人早已鎖崑崙。城池水瘦魚藏藻。臺殿草深狐叫庭。半嶺夕陽收獵網。一竿風月上漁舡。感君忠義心長在。保護先公十歲靈。

右脇阪兵太

憐君夙志未全舒。學業半途還舊廬。一別無書情豈薄。再逢有約意何如。萬蟲齊咽庭階廟。孤鴈高飛星月虛。借問深房解秋否。鴛鴦夜夜夢成初。子亮時新娶

右本間子亮

江東川口翫字濯父東京人

島田驛阻水宿。幾多花樓觀。耐軒翁書有感。

耐軒先生天下奇。日本刀歌蓋一時。先生痛飲猶不醉。手引大白論安危。先生逝矣今七歲。想見當時眼孔大。洞觀今世明如燭。天地之間海內外。川子西歸島田過驛樓。高廡幾多花。幾多花影照遺墨。呼酒誦日本刀歌。四壁蕭條風雨夕。大井之水能滯客。嗟乎先生叫不來。三日空醉島田驛。

癸酉四月八日。間縣置吏務局於熊谷寺。是日過平直實墓而作。



古碑影冷落花昏。移植甘棠。瓜此民地。下次郎應悔。  
恨生為七百歲前人。

春日過兩部

嬌啼野鳥報芳辰。一曲蹊通古寺春。六弥墓前桃李。  
下卻傷滋賀詠花人。

省軒龜谷行 字子藏對馬人

謁楠公祠

七生人間滅。此賊臨終一言烈。霹靂七字鳴。乎忠臣  
碑大書。涂刻表遺跡。維昔妖墓蝕金鷄。曾撥陰霧心  
紫極。可憐李晟效忠負。其奈懷光誤。順逆蛇虺窟裡  
幽龍孫。除戟帳中儲。國色網罟一。逃橫海魚。扶搖重  
養凌雲翼。怪氣如墨。壓攝津。湊川千載水。猶激芳山  
遺芳吹不起。茫茫乾坤心氣塞。十世威權何薰灼。代  
興有人焰未熄。神旌一旦指函關。義士奮蓋回天力。  
鐵馬裂山人骨白。火輪剪浪戰雲黑。只見精靈降大



空來生人間護皇國

薦田懷古

文永中元兵寇津島宗公與國防戰死之祀  
為師大神

古祠臨海勢崔嵬千萬艘。腫安在哉雲脚西奔韓地  
出波光南接筑山開健牛聞野夕陽動老鶴摩空秋  
色來七百年間何限感朔風蕭颯拂疎槐

湖山曰對州一孤島宗氏遺跡人多不知省軒集中不可無此篇

荳村島田重禮 字敬甫東京人

秋夜觀源烈公遺墨有感

寶刀染血志難償世上滄桑夢一場。欲向青天問前  
事愁雲慘澹月淒涼

蕭何追韓信圖

一鞭驅馬疊巒間。仗劍英雄去復還。翻憶他年功成  
日不尋此路入高山

秋晴出遊

日霽霜消野色清。數家村落午鷄聲。不須岐路向人  
問好向丹楓多處行



墨水勉眺

風吹細雨過林端。雲洩斜陽射竹欄。堪喜江山出新  
意。淡妝濃抹一時看。

藍田股野琢字子玉播磨人

贈行脚僧

塵。攬。水。釋。樂。无。為。身。世。悠。悠。都。如。遺。鞋。底。山。河。三。尺。  
錫。擔。頭。風。月。一。囊。詩。功。高。百。代。終。枯。骨。名。照。千。秋。空。  
斷。碑。破。衲。行。行。無。定。心。斯。心。只。有。白。雲。知。

仙籟關先輩三回忌辰賦呈牌前

硯。塵。不。掃。舊。青。氈。三。歲。音。容。接。目。前。半。世。文。章。攬。出。  
錦。一。朝。幻。夢。鐸。沈。淵。讀。書。樓。冷。風。含。雨。墮。淚。碑。霜。艸。  
帶。烟。鄰。笛。南。陽。魂。欲。斷。忍。聞。座。客。唱。遺。篇。

題畫二首



斷橋人不渡。古寺鎖春霞。雖僧課經罷。時來掃落花。  
水落溪如語。雲來山欲移。一霎禪房雨。老僧眠不知。

湖上春望

柳暗花明春滿樓。一行過雁下前洲。綠楊橋畔人携  
妓。欲放西湖畫裏舟。

頌畫

薔薇花暖夕陽遲。倦繡停絨有所思。嬌鳥多情引春  
夢。輕輕飛上窠高枝。

湖山曰藍田題畫  
諸首逼真唐伯虎

櫻塘井上揆字一御陸奧人

次韵湖山翁蓮塘新屋雜吟原十二

幽地卜來烟水間。逸情應勝舊家山。不從人問詩翁  
宅。先認書樓枕碧灣。

寄跡江湖自養真。睡鷗眠鷺共相親。風流多少縉紳  
客。達似先生有絕人。

濯出亭亭仙子姿。不論越女子。吳姬夜來涼雨過。無  
迹。心是瓊葩映日時。

城中士女競遊娛。勝地人稱冠帝都。真個兩奇晴亦  
好。不妨喚做小西湖。



八月五日与横山叔遠避暑太田氏別園聯句。

園在駒籠

郊園避殘暑。揆杖履上崢嶸樹色分山勢。邵蟬吟雜  
水聲。池亭秋氣起。揆禪閣午風生。萍拆知魚躍。邵葉  
搖見鳥驚。瀑泉多浴客。揆隨水有涼棚。絕壁摩空磬。  
邵飛梁駕寂橫。烟中懸雁塔。揆雲外現朱甍。勝地塵  
埃遠。邵心清興尔清。揆

湖山曰覽奇爭秀韓孟遺響

章菴田本監輔字□□阿波人

明治七年冬支那客中可見首尾吟

人多物富冠西州。一變便非歐亞儔。却怪民風柔且  
弱。溺餘苔下益低頭。

溺餘苔下益低頭。不問人間恩与讐。先聖遺風今已  
絕。絃歌只在狹斜樓。

絃歌只在狹斜樓。晦跡仙鄉自忘憂。誰識偷安由土  
沃。畢生志願在優游。

畢生志願在優游。舉國人如不繫舟。文府儒源何所  
用。恬然伍在野蕃流。



恬然伍在野。蕃流尚賴兒。童記聖猷。如有真龍飛。躍日。人多物富冠西州。

春濤曰五首寫盡支那目今情態可謂要言不煩矣

清幽青山勇字口口水戶人

登天王寺塔

拂得紛紛擾擾塵。超然身与碧霄隣。平生豪氣未全盡。一語欲驚天上人。

太宰府

羈鴻影冷雲間月。暗留聲寒艸上霜。先帝殊恩何日忘。御衣猶拜舊昔香。

箱崎

牙海長風捲白波。祠門北向歷年多。百濟高麗何須患。願仗神威鎮鄂羅。  
廟額敵國降伏四字



源右將原二

大雪埋蹊青冢驛。疾風吹雨石橋山。為知造物之勞力。投與人間多少艱。

過親不知之險

居然膝下奉歡身。却作流離瑣尾人。欲履危巖先太息。慈親思我我思親。

再入金澤

不得東歸又北征。秋風策策入金城。賴有主人傳綠酒。他鄉還作故鄉情。

灌園石津勤字子儉西京人

讀明史二首

金湯帶礪事皆非。滄海丹山那處歸。建文遜國後嘗有句云鳳返丹

山紅日遠龍歸早會孫謀在紅篋。龍衣未必換緇衣。滄海碧雲深

建文

藍衣倉卒出宮門。俄見妖氛蔽紫門。殿上縉紳盡人面。愧他群象記君恩。懷宗

題師友三人寫真紙背

形容求酷肖。意氣貴相知。寫出三人影。個中有我師。

又



一去離群後相逢一紙中誰言其面異請看此心同

咏新製馬車

玻璃窓影映蒼穹華轂雕輪駕玉駝已訝矍矍馳地上又驚樓閣起空中絕人狼狽爭相避三馬踉蹌往不窮莫道前車動顛覆一鞭千里疾於風

乙亥歲旦書感

破衾忍凍到天明早起駟車朝禁城一領氈裘新禮服廿年韋布舊書生素知位重名隨重莫道官輕責人輕顏厚濫班翰苑未不文何以荅升平

蠶涯小島孚字士信常陸人

偶成

霸業淪然盟已寒忽聞兵馬逼城端祖宗餘澤猶存在未解君臣義一團

泰運興時劫運開傳聞千里且餘哀載將一敗摧殘卒火船連朝入港來

春夏之際土匪亂竟起慨然賦此

百度一新復萬古赫奕神威耀文武六十六州亦多隆化猶未及邊土洶洶竟起不逞徒千人萬人爭附趨高門大戶先受害烈禍成毒過于荼陰風吹腥



一萬里。狂焰忽身殺氣起。一味橫行。迭鼓譟。白日出。  
沒大小鬼。淫掠就死。誰家兒。螞蟻追腥。聚伏尸。鬼火  
隱現。風雲黑。痛哭徹天。天亦悲。工奪金玉。下米粟。到  
處擊碎。何暴酷。痛哉百萬生靈膏。盡充虎狼溪。嗷欲  
嗚呼。國有大禁。知不知。極惡犯法。不汝遺。身首異處。  
須臾際。血肉狼藉。魂何歸。君不見。庶氓渴望。久引領。  
天南。未見錦旗影。

湖山曰一  
讀慘然

林外廣瀨孝

字維孝豐後人

夜遊最勝寺

入寺不見僧。穆然夜庭靜。山月知客至。迎我以松影。  
一編貝葉意。松下同月領。清光導妙理。恍惚赴化境。  
道心澹如水。離嗔風露冷。

除夕祭文原二

誰把丈夫凌霄志。摧為風雲月露字。紫上青燈光。榮  
榮照見一片不平氣。火船奔鐵馬。羣北風栗冽。吹戰  
雲。嗚呼乎。序記傳贊何所用。文可祭。文可焚。

中禪寺



一。迳。入。險。中。危。棧。疑。過。蜀。平。生。愛。名。山。謀。目。不。謀。足。  
群。峯。爭。圍。繞。行。人。全。在。岳。激。流。劈。山。開。勢。欲。解。柱。牯。  
徑。轉。峰。益。峻。屢。與。白。雲。觸。岑。樓。現。半。天。導。者。指。為。鶴。  
紆。曲。到。絕。巔。風。景。開。變。局。唯。見。一。大。湖。淡。然。凝。寒。綠。  
祠。宇。映。湖。光。金。碧。六。不。俗。日。暮。澹。忘。歸。閑。看。鳧。鷺。浴。

湖山曰林外才氣卓絕詩文皆  
超然出羣天不假年實可懷惜

舟門大須賀履字子泰磨城人

野狐婚娶圖

日。光。斜。斜。雨。蕭。蕭。西。郊。之。狐。嫁。東。郊。綏。綏。成。隊。鹵。簿。  
簇。妖。蠟。親。迎。竹。輿。輻。中。載。嬋。娟。阿。紫。娘。一。點。紅。粉。眉。  
目。粧。野。花。為。笄。幵。為。服。維。尾。曳。來。黃。裳。長。督。也。擁。右。  
媒。也。左。橫。波。一。盻。增。媿。婿。儂。後。陸。續。及。其。門。玄。丘。校。  
尉。紆。滿。座。同。穴。契。成。合。盃。盃。一。死。共。期。首。邱。來。曾。是。  
結。禱。經。母。誨。肯。以。贈。芍。破。聖。戒。君。不。見。鄭。姝。春。心。蔑。  
父。母。白。日。青。天。踰。墻。走。

湖山曰往年中島增太自負其才往往作奇  
題詩壓倒一昔尔後嗣響者寥寥焉軒才氣



殆超過增太耳矣其作此等語以  
曩倒世人也余輩甘瞠著于後耳

題大黑天圖

豐頰纖目麗其眉。頭戴黑幘手金槌。炎涼未曾換裘  
褐。威福可及無公私。珠璣錢穀任抖擻。無盡妙藏在  
翁手。茫茫宇宙日周遊。窮鬼狼狽望景走。來格之處  
不知貧。滿堂笑語忽生春。承意輒有捧珠犀。拜塵豈  
無媚竈人。君不見寒儒漫擬送窮文。未知世間此翁  
尊。艸車柳船徒勞耳。窮鬼抵掌笑立門。

蘇筭關氏名千代東京人

明治六年十一月廿九日

皇后行啟女學校恭賦記恩

女黌今歲築初成。皇后親臨見學生。報道鸞輿來  
已近。早梅花。庭下階迎。皇書漢籍泰西篇。琅誦聲傳香案前。一百生徒齊拜  
跪。繡衣光炫玉林邊。

湖山曰千古未有  
盛事詩心子題稱

去天尺五拜珠旒。感極無端暗淚流。却愧傷人相見  
笑。掩顏容易不擡頭。



湖山曰閨秀語氣宜如此近日婦  
女注往有為男子樣者可戒也

熱海禱詩原五

改曆新年不在家。温湯來浴海之涯。九忻此地暖殊  
早。一月上旬梅已花。今年改曆時明治也

悼姪良兒

其如衰老後孩兒。膝下蕭然暗淚垂。應是夜臺寒不  
耐。吾儂不日亦相追。

春濤曰所謂一字一淚不堪卒讀者蘇氏  
果不經幾日而後如預知死者可謂奇矣尤  
夫可哀

春濤森魯直 字希黃東京人

湖上雜詩以荷花世界柳絲鄉為韻

嫩涼吹水晚風多。欲買佳人窈窕歌。誰是明珠拋十  
斛。露晶晶瀉一池荷。

天女祠前古佛家。夕陽水蘸暮山霞。病為摩詰咲伽  
葉。看了拈花看散花。

慧性佳人參妙諦。滿身風露沾仙袂。應緣心慕出泥  
蓮。淨土不生生濁世。

道人衣色未全壞。老吼風懷仍破戒。欲為名花說法  
來。如如佛坐塵塵界。



小西湖上早涼初。小斷橋邊微雨後。臨水一株殊可  
 憐。小蘇小小門前柳。  
 脉脈和愁綰。別離依依抽恨繫。相思柳絲太弱藕絲  
 脆。輸妾愁絲與恨絲。  
 新紵含風肌肉香。溫柔氣味有餘涼。藕花如月湖光  
 白也合多情老此鄉。

湖山曰余曩寓池塘一歲餘作詩頗多中有  
 蓮塘欲繼星翁集句感余詩豈能繼翁乎希  
 黃此什不特能繼翁詩殆  
 有出藍之妙敬服敬服

明治十年二月出版

東京下谷仲徒町三丁目三拾貳番地

編錄並出版人 森春濤

發兌

書肆

東京通三丁目十番地 光玉堂 長野龜心  
 東京神田御成道五軒町六番地 擁書城 林安之助  
 東京湯島松住町四番地 萬青堂 別所平七

010190522267

異字新稿 = 〇

48-13214



小西湖上早涼初。小斷橋邊微雨後。臨水一株殊可  
 憐。小蘇小小門前柳。  
 脉脉和愁綰。別離依依抽恨繫。相思柳絲太弱藕絲  
 脆。輸妾愁絲與恨絲。  
 新紵含風肌肉香。溫柔氣味有餘涼。藕花如月湖光  
 白。也合多情老此鄉。

湖山曰余曩寓池塘一歲餘作詩頗多中有  
 蓮塘欲繼星翁集句感余詩豈能繼翁乎希  
 黃此什不特能繼翁詩殆  
 有出藍之妙敬服敬服

明治十年二月出版

東京下谷仲徒町三丁目三拾貳番地

編錄並出版人 森春濤

東京通三丁目十番地

光玉堂 長野龜心

東京神田御成道五軒町六番地

擁書城 林安之助

東京湯島松住町四番地

萬青堂 別所平七

書肆

發兌

010190522267

48-13214

舊雨詩鈔



